

लईका मन बर बाईबिल  
प्रस्तुत करत हवे ।



दानियेल  
अउ बघवा  
के माँद



लिखे गए हवे। : Edward Hughes  
उत्साह बढ़े गए हवे। : Jonathan Hay  
चयन करे गए हवे। : Mary-Anne S.  
अनुवाद करे गए हवे। : मधुलिका महतो  
बनाए गए हवे। : Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2015 Bible for Children, Inc.

लाईसेंस : आप मन करा इ कथा ल छापे बर अज नकल करे के अधिकार  
तभे तक हे जब तक आप मन एला बेचिहा नाही।




दारा बाबुल के नावा राजा रहिस। ओहा चउतरा रहिस। ओहा अपन  
शासन काल म मदद बर अपन राज म ले सबमा उत्तम एक सउ  
बीस मनखे ला छांटिस। फेर ओहा ओमन ले तीन झन ला उंकर


अधिकारी होवय बर  
छांटिस दानियेल उ तीन  
ठन मनखे म ले  
एक रहिस।



राजा दारा हा दानियेल कर अड़बड़ सनमान करिस ईहा तक कि  
ओला पूरा राज के शासक बनाय के बारे म गुनत रहिस ।



आन अगुवा मन जलन राखे लागिन। ओमन दानियेल म कुछु गलती  
खोजय के योजना बनाइन ताकि राजा के दानियेल के संग कुछु  
समसिया पयदा कर सकय।



कोन्हो फरक नई परय कि ओमन कतेक कोशिस करिन, लेकिन  
इ अगुवा मन दानियेल के बारे म कुछु गलती नई पाईन। दानियेल  
जउन कुछु करिस सब्बो सच्चाई ले करिस। ऐखर बलदा, ओहा  
सावधान अउ चालाक रहिस, अउ सबदिन सब्बो कुछु करतिस,  
अब्बड़ ऊँचा तरीका ले करत रहिस।




जलन रखे बाला नेता मन ला अब पता चल गिस कि दानियेल ला  
फंसाय बर खाली एकेच ठन डहर हे। ओमन जानत रहिन कि  
धरती म कुछु घलो ओला

इसराइल के भगवान  
के पुजा करय ल  
नई रोके सकत हे।




दानियेल के बड़ी मन एकठन  
अउ योजना बनाइन । तउन  
मन एक ठन नावा कानून  
बनाइन ताकि राजा ओमन  
उपर दसखत करय । कानून  
के अनुसार हर कहुँ ला खाली  
राजा लेच पराथना करय ला  
रहीस । जदि कोन्हो घलो गोठ  
नई माने त ओला बघवा के  
माँद म फेंक देहे जाय । राजा  
के अधियादेश ।



राजा दारा हा नावा कानून म दसखत करिस ।



नावा कानून ले दानियेल ला कोन्हो  
फरक नई परीस। ओहा जउन हमेशा  
ले करत आय रहिस, करत रहिस।  
ओहा अपन खुल्ला खिड़की ले दिन  
म तीन घ घुटना म आके, स्वरग के  
भगवान ल पराथना करत रहिस।





जलन करय बाला अगुवा मन राजा ल बताय बर  
रवाना हो गइन। दानियेल ला गिरपतार करय के  
सिवा राजा दारा करा  
अउ कोन्हो चारा नई  
रहिस। कानून के पालन  
करय जाना रहिस।  
दानियेल मरय बर  
रहिस। राजा हा अब्बड़  
कोशिस करसि, लेकिन  
कानून ल बदले बर  
कोन्हो घलो डहर  
नई मिलिस।



दानियेल ला बघवा के मांद म डारे के दुवारा मउत के सजा सुनाय गिस। दानियेल ला भुखहा बघवा के मांद म डारे ले आघु, राजा दारा हा ओकर ले कहिस, “तुमन जउन भगवान के लगातार सेवा करत हव, ओही तुमन ला बचाही।”



राजा ओही रथिया सुते नई सकीस ।



राजा दारा हा चिरलाके  
कहिस, “दानियेल जीयत  
भगवान जेखर तय  
लगातार सेवा करथस  
का तोला बघवा ले  
बचाइस हे?” हो सकत  
हे कि ओहा जुआब के  
परबुता नई रकत  
रहीस ! लेकिन  
दानियेल हा जुआब  
दिस ।



दानियेल हा  
कहिस, हे राजा  
“मोर जीयत भगवान  
हा अपन दूत ला भेजिस  
अउ बघवा के मुँहु ला बंद  
कर दिस। एखरे बर ओमन  
मोला चोट नई पहुँचाय  
सकिन। अउ मय  
घलो तोर बिरोध  
म कुछु गलत  
नई करय हो।”



राजा दारा अङ्गबङ्ग खुस रहिस । ओहर दानियेल ला मांद ले बाहिर  
निकारे के आदेश दिस ।



राजा जानत रहिस कि भगवान  
हा दानियेल ला बचाइस हेक अउ  
दानियेल के बइरी अब भगवान के  
बइरी रहिन। ओहर एक ठन आदेश  
दिस, अउ खराब कानून  
म दसखत करय बर  
ओला धोखा देवइया  
तउन सब्बो झन ला  
बघवा के मांद म  
फेंक देहे गिस।  
बघवा मन ओला  
खा दारिन।




राजा दारा स्वरग के भगवान के बारे म पूरा सनसार ला बताय  
चाहत रहिस : कि कइसे ओहर अपन वफादार सेवक, दानियेल के  
रक्षा करिस हे । राजा हा एक ठन चिट्ठी लिखिस जामा जियत  
भगवान के पुजा करय बर सब्बो झन ला आग्या देहे गय रहिस ।

अउ राजा हा दानियेल कर

सनमान करिस अउ

नेतरितब करय बर

ओला बहाल करिस ।



दानियेल अउ बघवा के माँद

इ कथा हर भगवान के बचन के द्वारा एक ठी बाईबिल

पाए जाथे ।

दानियेल 6

“आप मन कर बानी हर एला अंजोर देथे ।”

भजन संहिता ११९ : १३०



**समाप्त ।**



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद ईशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आङ्गा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

